

石城縣志

光緒十四
年重修

石城縣志卷之二

楊學英分纂

輿地志下

沿革表

歷代統郡

縣

秦象郡

案秦平百粵置桂林南海象郡肇高屬南海雷廉屬象郡石城與廉接壤故通典及輿地廣記俱主屬象郡

漢合浦郡

漢武帝元鼎六年遣伏波將軍路博德平南越置合浦郡

合浦縣

案方輿紀要輿地紀勝皇朝郡縣志寰宇記諸書皆云漢本高涼縣地據大清一統志以屬合浦縣阮通志從之今遵一統志阮通志修

吳高涼郡

案輿地廣記以屬高興郡而縣名無考

高興郡

漢建安二十五年吳分漢高涼縣合浦縣立高涼郡又立高興郡

晉高涼郡

太康初高涼高興郡仍吳制尋省高興併入高涼

宋高涼郡

高涼郡仍晉制領縣七元嘉九年立宋康郡即高興郡舊地

齊高涼郡

高涼宋康仍宋制又於宋康郡西置高興郡

梁陳羅州高興郡

石龍縣

羅州縣

羅州縣檀道濟於陵羅江口築石城立羅州令羅州始此

石龍郡

梁升羅州縣為州高興郡
屬焉又置石龍郡陳仍
制梁

謹案 大清一統志云
梁析置石龍縣為州郡治
又云梁以後屬石
龍縣地今遵之

隋高涼郡

開皇十年郡廢大業三年
州廢石龍縣屬高涼郡

石龍縣

唐羅州

招義郡

武德五年於石龍吳川復
置羅州治石龍領十一縣
六年徙州治於石城天寶
元年改招義郡乾元元年
復為羅州
領縣四

石城縣改為廉江縣
招義縣改為幹水縣

零綠縣即零綠鎮

武德五年析石龍吳川置
石城招義零綠等十一縣
此石城之始
天寶元年石城更名廉江
招義更名幹水
其時石城縣址在青湖

南漢羅州

廉江縣

案吳蘭修地理志領縣三

宋辯州

化州

開寶五年廢羅州並廢縣地入吳川隸辯州太平興國五年改辯州爲化州隸化州

元化州路

至元十五年立化州路安撫司十七年改總管府領縣三

明高州府

化州府

洪武元年隸化州府七年隸州八年隸高州府此石

幹水縣

案零緣縣割屬常樂州

石城縣復置

北宋無石城縣乾道三年復析吳川西鄉增置南渡後幹水割屬石城零緣亦割屬石城其時縣址在江頭鋪

石城縣

皇慶八年遷縣治於黃村天厯元年再遷於新和驛卽今治

石城縣

城隸高州府之始十四
年改屬州仍隸高州府

國朝因之

謹案阮通志沿革門引

大清一統志云明洪武

八年石城改屬高州府

本朝因之而阮通志沿

革表及府志表又均謂石城縣九年改屬高州府十
四年仍屬化州語似互異考舊志載洪武十四年復
高州爲府化州爲州縣屬州而統屬於府是通志府
志表均不背也至改屬高州府或云八年或云九年
今遵一統志修

附羅州釋疑

羅州爲我舊境耳而目之矣第據府志前代所廢置皆
非我有州志則謂北固江口有舊州址磚石尙存是爲

化之羅州云按化州距北百餘里有湖曰青湖州址在
焉於高涼近我縣距北三十里有湖曰青湖亦曰舊州
湖則州陷而爲湖也湖上城址猶半亘山麓於吳川辯
州近梁天監四年始置羅州至隋大業而廢地入高涼
計必近高涼則附高涼也唐武德五年復置羅州宋開
寶而廢地入吳川計必近吳川則附吳川也意者化州
之青湖址爲梁羅州我縣之青湖址爲唐羅州乎且自
武德以厯開寶三百三十九年厥後遷黃村遷今治相
距僅一二十里由此決之則附吳川之羅州斷斷爲舊
州湖矣庸何疑

喻志

案羅州之地更易者四其名始於劉宋訖於趙宋宋
齊時羅州爲縣梁始升爲州高興郡屬焉今茂名化

州吳川石城皆羅州高興郡地隋大業三年廢唐武德五年復置羅州少茂名一縣地化州吳川石城在其內以上州治皆在化州武德六年徙州治於石城又少化州一州地吳川石城在其內終唐之世歷五代不改至宋開寶五年而廢蓋自徙治石城後州址始在石城故石城有古羅州之名然其地非僅石城一縣也

沿革考

石城縣漢合浦郡合浦縣地劉宋以後爲高涼郡羅州縣地梁以後爲石龍縣地唐武德五年析置石城縣屬羅州六年移羅州來治天寶元年改縣曰廉江又改州曰招義郡乾元元年復曰羅州屬嶺南道五代屬南漢宋

開寶五年州縣俱廢入吳川乾道三年復析吳川置石城縣屬化州元因之明洪武八年改屬高州府 本朝因之屬廣東省

右 大清一統志

漢

合浦郡武帝元鼎六年開莽曰桓合縣五

徐聞合浦

高涼臨允

朱盧

合浦

莽曰桓亭合浦欽州靈山

阮通志注今高州府石城縣廉州府諸府州縣地西境為廣西容縣北

流陸川地

屬交州

右漢書地理志

後漢

合浦郡五城

合浦臨允

徐聞朱崖

高涼

合浦

屬交州

阮通志云續漢書百官志劉昭注獻帝起居注建安十八年省州并郡復禹貢之九州省交州以其郡屬荊州得交之蒼梧南海九真日南據此則漢末南海蒼梧合浦三郡改屬荊州不屬交州矣

右續漢書郡國志

吳

高涼郡吳置

晉書地理志

漢合浦郡高涼縣漢獻帝建安二十

三年吳分立治思平縣不知何時徙

宋書州郡志

南越志高

涼本合浦縣吳呂岱爲刺史錢博請降制以博爲高涼

都尉於是置郡焉太平御覽

阮通志云續後漢書郡國志高涼下云建安二十五年孫權立高涼郡三國志呂岱傳錢博為高涼都尉事在延康元年即建安二十五年與郡國志合宋志作二十三年殆傳寫之誤晉書地理志桓帝分交阯立高興郡靈帝改曰高涼則獻帝以前已置高涼郡矣與宋志不同未知孰是

高興郡吳置晉書地理志

阮通志云靈帝時改高興為高涼豈孫吳又析高涼復置耶

屬廣州

阮通志云黃武五年割南海蒼梧鬱林高涼四郡立

廣州交趾日南九真合浦四郡爲交州俄復舊永安七年又分立交廣二州此孫吳時沿革之大略也

右晉書地理志并宋書州郡志

晉

高涼郡吳置統縣三

安甯思平

高涼

高涼

屬廣州

右晉書地理志

宋

高涼太守漢縣屬合浦建安二十三年

三當作五

吳分立治思

平縣不知何時徙吳又立高熙郡

熙當作興

晉太康中省併

高涼宋世又立尋省永初郡國高涼又有石門廣化長

度宋康四縣何

承天徐

爰州郡志

並無宋康當是宋初所立元

嘉二十年以前省其餘江左立領縣七

思平令

莫陽令

安甯令

羅州令

西鞏令

禽鄉令

阮通志云平定西鞏禽鄉三縣不知所在

羅州令何志新立

地

阮通志云今高州府石城縣地案即今化州石城縣地

屬廣州刺史

西甯縣志云宋志稱地理參差其詳難舉實由名號驟易境土屢分或一郡一

縣割成四五四五之中亟有離合千回百改巧歷不
算尋校推求未易精悉云云竊謂隋以前地理沿革
俱當作如是觀也

右宋書州郡志

案宋書州郡志宋康太守本高涼西營文帝元嘉
九年立領縣九阮通志云今肇慶府陽江縣地領
縣中有石門長又云疑即今高州府之石城縣與
上羅州注為今之石城縣地似復且陽江至石城
遠隔數百里安能越境相屬恐未確又海昌太
守阮通志亦云石城在屬縣境內似再復未可從

齊

高涼郡

見前

羅州

屬廣州

高興郡十縣

宋和南安

歸安

陳蓮

威成

夫羅

屬越州

右南齊書州郡志

阮通志云吳置高興郡晉因之治廣化劉宋時省蕭

齊復置

案晉之高興治廣化卽宋齊之宋康郡齊於宋康之西又置高興治宋和非復晉之高興矣乾隆府志謂晉之高興卽今之化州然則齊之高興在宋康西而屬越州其地當在今廣西境矣地理今釋及阮通志道光府志謂晉之高興地在肇慶因以齊之高興治宋和者爲隋時石龍地總之六朝疆域參錯難詳阮通志謂所領諸縣當在今肇慶之陽春陽江高州府之石城境內考輿圖陽春陽江至石城中隔高涼海

昌兩郡數百里地
安得相接未確也

梁陳

高興郡石龍舊置羅州高興郡

阮通志云今高州府石城縣地案卽今之化州石

城縣地

阮通志案梁於劉宋之羅州縣置羅州刺史高興郡

屬焉又置石龍郡見陳書馮僕傳

案見隋書譙國夫人傳陳書無馮僕

傳當傳寫之誤

屬揚州

隋

高涼郡梁置高州統縣九

高涼陽春

連江石龍

電白吳川

杜原茂名

海安

石龍

阮通志云舊置羅州高興郡平陳郡廢大業初州廢地理今釋石龍今化州東北三里

屬揚州

右隋書地理志

唐

羅州招義郡下本石城郡武德五年以高涼郡之石龍吳

川置

領石龍吳川陵羅龍化羅辯南河石城招義零綠慈廉羅肥十一縣

六年徙治石城

天寶元年改為招義郡乾元元年復為羅州

縣四

廉江吳川幹水零綠

案

廉江下本石城以石城水名天寶元年更名幹水下

本石龍

案地理今釋石龍在今化州東北三里方輿紀要云幹水廢縣在縣西七十餘里此云幹水本

石龍未確

武德五年曰招義天寶元年更名以幹水名

零綠下以零綠水名

右新唐書地理志

案新唐書載羅州領十縣少吳川上小注十一縣從舊唐書

屬邕管都督府

右舊唐書地理志

五代漢

羅州領縣三

廉江

吳川

蘭修案唐志天寶元年改石城爲廉江招義爲幹水
大厯八年以南河屬順州羅州實領廉江吳川幹水
零綠四縣寰宇記九域志宋朝事實輿地廣記輿地
紀勝引宋會要並云開寶五年省廉江幹水零綠三
縣入吳川屬辯州與唐志合然輿地廣記云南漢立
常樂州兼置博電零綠鹽場三縣隸之諸書亦云開
寶五年省常樂州以博電零綠鹽場三縣置石康縣
屬廉州是南漢時有兩零綠縣也據寰宇記零綠縣
在羅州西南一百二十里以零綠水爲名方輿紀要
羅州卽今石城縣治常樂州在今合浦縣東北三十
里是二州壤地相接南漢置常樂州時以羅州之零
綠分隸耳非別置一零綠縣諸書兩見誤也今改正
又寰宇記分石城廉江爲二縣通考仍有
石城招義南河三縣十國春秋從之並誤

右南漢地理志吳蘭修譔

宋